

Arkiv: FA-C0, FE-223
JournalpostID: <jplD> 20/30821
Saksbehandlar:
Dato: 29.05.2020

Saksframlegg

Saksnr.	Utvalg	Møtedato
024/20	Utval for oppvekst, kunnskap og kultur	09.06.2020

Faste tilskot kultur

Rådmannen sitt framlegg til vedtak:

Sak om kommunal driftstilskot til lag/foreiningar i Alver kommune, vert lagt ut til offentleg høyring. Høyringsperiode er sett til 6 veker.

Utval for oppvekst, kunnskap og kultur 09.06.2020:

Behandling:

Rådmannen sitt framlegg vart samrøystes vedteke.

OKK- 024/20 Vedtak:

Sak om kommunal driftstilskot til lag/foreiningar i Alver kommune, vert lagt ut til offentleg høyring. Høyringsperiode er sett til 6 veker.

Politisk handsaming

Saka skal til innstilling i Utval for oppvekst, kunnskap og kultur

Bakgrunn

I tråd med Lov om offentlege styresmakters ansvar for kulturverksemd (Kulturlova) skal kommunane sikre eit breitt lokalt kulturtilbod.

I strategi- og styringsdokumentet for Alver kommune er kultur og frivilligheit ein av berebjelkane for framtidig planlegging og samfunnsutvikling. Eit av dei strategiske utviklingsområda er *lokalsamfunn, nærmiljø, kultur og frivilligheit*

Hovudmålet for strategien er i siste ledd *Alver skal bygge vidare på og stimulera det lokale mangfaldet som er av frivillige lag og organisasjonar innanfor kultur og idrett.*

Vidare skal vi mellom anna arbeide etter følgjande strategiar:

- Leggje til rette for vekst og utvikling med utgangspunkt i lokal identitet. Dette vil også gjelda for eksisterande bygder.
- Sikre ei heilskapleg utvikling av kultur- og idrettsarenaer, og vidareutvikle etablerte og planlegge for nye arenaer
- Vere ein føregangskommune innanfor kulturvern, og sikre immateriell og materiell kulturarv, styrke stadkjensle og kunnskap om lokalt særpreg, språk og identitet

- Leggje til rette for at frivillig arbeid får føreseielege rammer, og arbeide for at fleire engasjerer seg i frivillig arbeid

Prosessane knytt til utarbeiding av ny samfunnsdel av kommuneplanen for Alver vil omhandle kultur- og idrettsfeltet. Planstrategien for Alver legg vidare opp til ein eigen kulturplan. Desse planane vil vere med å legge grunnlaget for kultur- og idrettspolitiske prioriteringar som del av ei heilskapleg samfunnsutvikling i Alver.

Kulturfeltet er viktig for å skape gode nærmiljø. I Alver kommune har vi eit mangfald av lag/organisasjonar innan kultur- og idrettsområdet, der fleire lag utmerkar seg på særst høgt nivå, både nasjonalt og internasjonalt, og er å rekna som fyrtårn innan sitt felt.

Dei ulike tilskotsordningane (også kalla kulturmidlar) er Alver kommune sitt viktigaste bidrag til finansieringa av kulturlivet og skal såleis fremje eit aktivt og allsidig kunst- og kulturliv.

I økonomiplan for 2020 har kommunestyret sett opp verbalpunkt. Kommunestyret ber om at følgjande punkt vert vurdert: *finansieringa av elitekorpsa i kommunen med mål om likebehandling.*

Samstundes er det kuttet 200 000 til samarbeid om stilling ved Museumssenteret i Hordaland (MuHo), som gjer at ein må sjå det samarbeidet på nye måtar.

Dei gamle kommunane ytte faste tilskot over kulturbudsjetta til fleire mottakarar, mellom anna Manger musikklag, Vestnorsk utvandringssenter og Knarvikmila. Tilskot over lang tid må festast i avtaleverk, men gir lite handlingsrom for partane ved endra behov eller prioriteringar utan at heile avtalen må reviderast. I framlegga til samarbeidsavtalane med Alver idrettsråd og Alver kulturråd er storleiken på tilskotet ikkje definert, men skal årleg behovprøvast.

Fleire større offentlege aktørar har tilskotsordningar som omfamnar problemstillingane knytt til dette, der anten avtalar eller kultur- og idrettspolitiske prioriteringar gjennom planverket kvalifiserer partar for tilskot. Desse tilskota vert årleg behovsprøvd og rapportert, og gitt etter prosess i samband med økonomiplanarbeidet. Søkjarar vil søkje våren året før tildeling, til dømes i forkant av økonomiplanhandsaminga i 2021 for tilskot i 2022.

Målet med ei slik ordning i Alver må vere å skape ei føreseieleg og gjennomsiktig ordning, som står i høve dei lokale kultur- og idrettspolitiske prioriteringane som vert gitt når det gjeld aktørar som har stått i posisjon for faste tilskotsavtalar i dei gamle kommunane.

Saksopplysninger:

I Alver kommune har vi nokre lag som utmerka seg ekstraordinært. T.d. har korps kommunen Alver to elitekorps i verdsklasse vi har idrettslag som arrangerer store arrangement som set Alver kommune på kartet langt utover kommunegrensa. Desse laga står fram som fyrtårn innan sitt felt.

Tidlegare Radøy kommune hadde ei ordning om kommunal driftstilskot til Manger musikklag. Dette utgjorde eit årleg tilskot på kr 75.000. Dette driftstilskotet utgjorde eit viktig bidrag for føreseieleg økonomi i laget til framleis satsing på elitenivå.

Kommunal driftstilskot skal ha eit langsiktig, strategisk preg og gå som hovudregel til varige føremål. I dette ligg at verksemda har ei tyding for kulturlivet i kommunen/regionen, som

inneber at kommunen – ut frå vedtekne kulturpolitiske målsettingar – bør medverke økonomisk til drifta.

Eventuelle søknadar skal behandlast i budsjettprosessen. Det er til ein kvar tid gjeldande budsjetttramme som avgjer tildelingssum.

Nedanfor finn ein oversikt over gjeldande avtaler om kommunal driftstilskot

- Alver kommune har avtale om tilskot til Knarvikmila. Dette arrangementet engasjerer mange hundre frivillige og tiltrekker seg 6-8.000 aktive kvart år. Knarvikmila er òg meir enn eit idrettsarrangement. Dette er ei veke med både kultur- og idrettsarrangement.

Avtalen gjeld førebels ut 2020.

- Stolpejakt. Ein svært populær aktivitet som fremjar folkehelse og lokalkunnskap. Knarvikmila driv dette prosjektet med tilskot frå Alver kommune. Alver kommune bistår med lokalkjennskap.

Kven kan søkje

Aktørar innan kunst-, kultur-, friluft- og idrettsfeltet med hovudaktivitet i Alver kommune vil kunne søkje. Verksemda skal vere ideell (ikkje-kommersiell), ha eit tydeleg føremål innan kunst, kultur og idrett og ha sterk lokal eller regional verdi, det vil seie verdi for heile eller store deler av Alver kommune og regionen elles.

Kva kan ein få støtte til

Driftstilskot er ikkje knytt til eit særskilt tiltak/prosjekt, men gjeld verksemda som heile. Det er knytt til verksemda sine vedtekne føremål og planar og grunngjeve ut frå dei kommunalpolitiske målsettingane på feltet, når den ligg føre.

Tilskotet har eit langsiktig, strategisk preg og går som hovudregel til varige føremål. I dette ligg at verksemda har ei tyding for kulturlivet i kommunen/regionen, som inneber at kommunen – ut frå vedtekne kulturpolitiske målsettingar – bør medverke økonomisk til drifta.

Kommunalt driftstilskot vil først og fremst rette seg mot verksemder/aktørar i Alver kommune. Dette omhandlar verksemder/aktørar både innan det frivillige og profesjonelle kultur- og idrettsfeltet.

Søknadsprosess

Aktuelle lag/organisasjonar må søkje kvart år innan 01. mars. Søknadane skal behandlast i budsjettprosessen. Det er til ein kvar tid gjeldande budsjetttramme som avgjer tildelingssum.